

**Բուն Աղուանքի քաղաքները եւ գետերը ըստ Կլաւդիոս  
Պտղոմէոսի եւ Է դարի Աշխարհացոյցի**

Իր կեանքի գլխաւոր երկը գրելիս Բ դարի յոյն նշանաւոր աշխարհագէտ Կլաւդիոս Պտղոմէոսը<sup>1</sup>, ըստ ամենայնի՝ ծանրակշիռ սկզբնաղբերներ է ունեցել Ալբանիա (Աղուանք) երկրի տեղանունների մասին: Դա երեւում է ե՛ւ հարեւան Իբերիայի հետ համեմատելիս (որի բնակավայրերի թիւը հեղինակի մօտ եռակի պակաս է՝ 9), ե՛ւ Մեծ Հայքի (որտեղ դրանց թիւն ընդամենը 2,8 անգամ է անելի՝ 85, թէպէտ երկիրը մեծ էր շուրջ 5 անգամ): Ալբանիայի բնակավայրերի համադրման փորձերն սկսւում են ԺԸ դարից եւ շարունակւում մինչ այսօր: Վերջին փորձերը, օր.՝ վրաց-աղուանական կրկնագիրը հրատարակողներինը (Յ. Գիպերտ, Վ. Շուլցէ, Զ. Ալեքսիձէ եւ Ժ.Պ. Մահէ, 2008), յենւում են Ս. Մուրաւեւի մօտեցումների վրայ, ով առաւելապէս խորացել էր Կասպից ծովի տրանսպրեանիայի խնդիրներում, ինչպէս նաեւ Ռ. Հիւսընի, ով 2002 թ. հրատարակեց Է դարի Աշխարհացոյցի մանրամասն ծանօթագրուած անգլերէն թարգմանութիւնը<sup>2</sup>: Իրանք բոլորն էլ մեծ սխալներով են:

Պտղոմէոսեան քաղաքների յաջող համադրման խնդրում բարդութիւնն անտիկ Ալբանիայի թագաւորութեան հիւսիս-արեւելեան սահմանակէտի ճշտումն է: Ուսումնասիրողներից ոմանք (այդ թւում՝ յիշատակուած Ս. Մուրաւեւը եւ Ռ. Հիւսընը) սահմանափակում են այդ կողմի սահմանագիծը Աղսու գետով ու Լեանգեաբիզի լեռնաշարով (Շամախից արեւմուտք), կամ ամենաշատը տարածում են մինչեւ Ապշերոն<sup>3</sup>: Մի այլ խումբ գիտնականներ (օր.՝ Ս. Եռչկովը<sup>4</sup>) հասցնում է այդ սահմանը

<sup>1</sup> Ptolemaei Claudii Geographia, Ed. C. Müller, Parisiis, 1901; Klaudios Ptolemaios, Handbuch der Geographie, Griechisch – Deutsch, Herausgegeben von A. Stückelberger und G. Grasshoff, Basel, 2006.

<sup>2</sup> С. Н. Муравьев, Птолемеева карта Кавказской Албании и уровень Каспия, – ВДИ, 1983, № 1, с. 117-147; The Geography of Ananias of Širak (Աճառիսոյց). The Long and the Short Recensions. Introduction, Translation and Commentary by R. H. Hewsen, Wiesbaden, 1992; R. H. Hewsen, Armenia: A Historical Atlas, Chicago-London, 2001.

<sup>3</sup> Տե՛ս, օր.՝ Հ. Ս. Սվազլաւն, Աղվանից աշխարհի պատմություն (ճնադպում շրջանից – VIII դարը ներառյալ), Եր., 2006:

<sup>4</sup> С. В. Юшков, К вопросу о границах древней Албании, – ИЗ, 1937, № 1, с. 129-148.

բաւականին հեռու հիւսիս՝ Միջին Դաղստան: 1987 թ. մեզ, թուով է, թէ յաճողուեց ճշգրիտ որոշել այդ հիւսիս-արեւելեան սահմանակէտը՝ նկատելով Ա դ. հռոմէացի նշանաւոր պատմիչ Կոռնելիոս Տակիտոսի կարեւոր վկայութիւնը («Աննալներ», VI, 33), որը սահմանը տանում է հէնց Դերբենդի անցքով, կոչելով այն «լեռնանցք Ալբանիայի լեռների ծայրի ու ծովի միջեւ»<sup>1</sup>: Աւելին, հնարաւոր եղաւ ենթադրել, որ դեռ Ք. ա. Գ դարում աղուանների բնակութեան սահմանը համարուել է նոյն Դերբենդը: Գիտենք, որ Սելեւկեան առաջին արքայի հրամանով Կասպից ծովի ափագծի հետագոտութիւնը կատարած Պատրոկլէս զօրավարը (Գ դ. սկզբում) եւ նրանից օգտուած աշխարհագետ Էրատոսթենէսը (դարի վերջում) արձանագրել են աղուանների բնակուելը Կասպիցի ափին կադուս-կատիշներից հիւսիս: Ընդ որում՝ Ստրաբոնի եւ Պլինիոս Աւագի մօտ պահպանուած տուեալների համադրմամբ Պատրոկլէսի եւ Էրատոսթենէսի մօտ կադուսական ափի երկարութիւնը ստացուած է 5000 ստագիոն, իսկ «ալբանական» ափինը՝ 300 կամ 400: Սակայն թե՛ անտիկ, թե՛ միջնադարեան աղբիւրների վկայութիւններով՝ կադուսները զբաղեցրել են Կասպից ափաշերտի լոկ մի փոքր կտորը՝ Կուր եւ Արաքս գետերից հարաւ եւ այն հարաւ-կասպիական իրանական ցեղերից հիւսիս-արեւմուտք, ուստի յանուանէ նշում են գոյգ հեղինակները նոյն դրուագներում: Դա ենթադրել է տալիս, որ Ստրաբոնին ու Պլինիոսին հասել է Պատրոկլէսի հաշուեւտութեան (Պերիպլուսի) մի աղճատուած տարբերակ (գուցէ՛ էրատոսթենէսի երկուս կամ դրա մի արտագրութեան մէջ), ուր աղուանական եւ կադուսական ափակտորների չափերի շփոթ է սպրդել փոխանցման ձեւով. իսկ իրականում Պատրոկլէսն աղուանական ափի համար արձանագրած է եղել շուրջ 5000 ստագիոն ձգուածութիւն (300/400 ստագիոնն էլ՝ կադուսական ափի համար): Դա մօտաւորապէս համապատասխանում է աւելի ուշ առաջացած Աղուանից թագաւորութեան ափագծի ձգուածութեանը (Կուրի գետաբերանից – Դերբենդ), առաւել եւս որ գրեթէ նոյն իրական երկարութիւնն ունեցող հարաւ-կասպիական իրանական ժողովուրդների՝ Վրկան-Հիւրկանիայի ափագիծը Պատրոկլէսի մօտ նոյնքան է՝ 4800 կամ 4900 ստագիոն:

Աղուանքի պողոտմէտեան բնակավայրերին մեր անդրադարձը կապուած էր 2 տարի առաջ է դ. Աշխարհացոյցի գիտա-քննական բնագիրը կազմելու աշխատանքների հետ: Պարզուեց, որ ուշագիւր քննութեան դէպքում լիովին հնարաւոր է ճշգրիտ որոշել Պողոմէոսի, Ստրաբոնի, Պլինիոս Աւագի եւ Աշխարհացոյցի նշած գետերի փաստարկուած համադրութիւնները, որի հիման վրայ էլ՝ արդէն նաեւ բնակավայրերին:

<sup>1</sup> А. А. Акопян, Албания-Алуанк в греко-латинских и древнеармянских источниках, Ер., 1987, с. 35-36.

Պողոմէնուր թուարկում է Աղուանքի 29 կամ 30 բնակավայր (տա-  
րով իրենց կորդիինատները), ընդ որում՝ 5 հատուած-սեկտորների մէջ:  
Վերջիններին սահմանները հեղինակի թուարկած գետերն են, որոնց մի  
մասը թափւում է ծով (Սոանա, Գերրոս, Կասրոս եւ Ալբանոս), միւս  
մասը՝ Կուր գետը (Ալազոնիոս-Ալազան՝ Իբերիա-Վիրքի սահմանին, եւ  
այն վտակը, որ «Կովկասից հոսում է դէպի Կուր»): Այս 6 գետերի  
յաջող տեղորոշումից, որ կապուած է հիւսիս-արեւելեան սահմանակէտի  
ճշտման հետ, բխում է նաեւ բնակավայրերի հաւաստի տեղորոշումը:

Արք, ստացւում է, որ Պողոմէնուր մօտ Սարմատայի հետ սահմա-  
նակցող Սոանա գետը (Աշխարհացոյցում՝ Սուանա) համապատասխա-  
նում է Ռուբասին, որը հոսում է Դերբենդի մօտ ծովին հասնող Ջալգան  
լեռնաշղթային<sup>1</sup> հարաւից զուգահեռ: Սոանայից հարաւ-արեւմուտք են  
յիշուում 2 քաղաքներ, որ բաւական մօտիկ համադրումներ ունեն: Առա-  
ջինը՝ Թելալթան, կա՛մ վերականգնւում է Գելալթա եւ համադրւում  
Ռուբասից հարաւ գտնուող Ազլաքի աւանի հետ, կա՛մ էլ մի առանց վե-  
րականգնման տարբերակով նոյնացւում է Խաչմաս քաղաքի մօտ գտ-  
նուող յայտնի հայաբնակ Թալաքի գիւղի հետ<sup>2</sup>: Երկրորդը՝ Թիլիբիսը,  
վերականգնւում է Բիլիտիս եւ համադրւում Բելիշի աւանի հետ, որի  
տեղում դեռ 1987-ին ենթադրել ենք Չ դարի Բաղախատ-Բաղախատ ե-  
պիսկոպոսանիստը (Չողին մօտ, ինչպէս երեւում է Մովսէս Դասխու-  
րանցու եւ «Գիրք թղթոցի» ցուցակի ակնառու հերթականութիւնից):

Պողոմէնուր երկրորդ գետը Գերրոսը, թերեւս այս տարածքում ա-  
մենից նկատելի Սամուրն է (բայց, գուցէ եւ՝ Վելվելին): Նրանից հարաւ  
յիշատակուած են 3 քաղաքներ: Առաջինը՝ Թիաուան, վերականգնելի է  
թւում Թրաուան, որ համապատասխանում է միջնադարեան Սապո-թրե-  
նէ քաղաքին, այսինքն՝ մասքաթեան Շապորան – Շաբրանին (ըստ Ս. Ե-  
րեմեանի): Երկրորդի՝ Թաքիլակայի հաւանական համադրութիւնը (էլի՛  
իր կէսով) Շահդադեան լեզուներով խօսող լեռնային գիւղերից մէկի ա-  
նուան հետ է Ալիկի: Երրորդը՝ Գելդան, թերեւս, համադրելի է այդ շր-  
ջանում հոսող Գիլգիլչայ գետանուան հետ (Խորպէմ պարսպի մօտ):

Պողոմէնուր՝ ծով թափող երրորդ գետը Կասիոս-Կալսիոսն է, որի  
ճիշտ համադրումը Ջելթրանկէնէնգի հետ է՝ ակունքը Շամախիի հարաւա-  
կողմում, որից էլ քիչ հիւսիս անցնում էր տարածքի ամենայարմար՝  
Խալդանի լեռնանցքը հին Վարդեգրուակ-Վարդեգրուակը (արդեօ՞ք՝

<sup>1</sup> Ըստ Ա. Կորդեացեւի եւ Մ. Գաջեւի՝ Ջալգան-ը հմն. Չող – Չոր – Չոյա տեղա-  
նուան հետ, որ պիտուներէն տարբերակն է իրան. Դերբենդ-ի՝ իր հօտ պարսպով:

<sup>2</sup> Այս դէպքում պիտի ենթադրել շփոթ ըստ սեկտորների, կամ էլ՝ յաջորդ Գերրոսը  
պիտի լինէր ոչ թէ Սամուրը, այլ ակելի հարաւ հոսող գետ, օր.՝ Վելվելին: Թերեւս՝  
նոյն Թալաքի գիւղն է նաեւ Ժ դ. արաբ աշխարհագետ ալ-Մուկարրասիի Թերլան:

գրուակ < գեղուկ – «չեռնանցք»): Այս գետից մինչև Ալբանոս գետը (=Տուրիան) ընկած սեկտորում յիշուում են. Ալլամուր, որ, թերեւս, արդի Ալլետտ աւանն է; Խալախան (*var.* Խաղախա)՝ ըստ ամենայնի՝ միջնադարեան Քաղաձոր գաւառի կենտրոնը; Խոքոտան (*var.* Խոքատա), որ կամ Կովկասի հիւսիսային եւ հարաւային լանջերի մի քանի գիւղերում ապրող լեզգիալեզու Խապուտ փոքր ժողովրդի անունով մի աւան էր<sup>1</sup>, կամ էլ, թերեւս, Կոքուտանը; Միսիան, որ դրափոխուած Իսմիս տարբերակով համադրելի է խեղուած Իսմայիլի քաղաքանուն հետ; Մոզիատան, որ վերականգնելի է թուում Խոզիատա՝ յիշեցնելով Մովսէս Դասխուրանցու Հոշաչա տեղանունը, անշուշտ՝ համադրելի Հոշաչաւնի բլրանուն հետ (Գեօքչայից քիչ արեւելք); Խաբալան (*var.* Խալաբա), որի համապատասխանութեանը մայրաքաղաք Կաբալա-Կաբալակա-Կապաղակին որեւէ մասնագէտ չի կասկածել: Մովսէսի հայ Ալբանոս քաղաքն էլ պիտի փնտրել, թերեւս, խեղեալ Ալիքաղլամիլի մօտ (ուշ Լիվնաց քաղաքը իբրեւ վարկածային տարբերակ՝ ծովափից շատ էր հեռու):

Եւ միայն չորրորդ գետը՝ Ալբանոսն է, որ, ըստ մեզ, համապատասխանելով Տուրիանին (Կապաղակից քիչ արեւմուտք)՝ այսօր թափուում է Կուր, այնինչ ըստ Պողոմէոսի՝ ծով էր հոսում: Թէպէտ, հաշուի առնելով խիստ հարթ դաշտի լանդշաֆտը, լիովին ենթադրելի է, որ ժամանակին Տուրիանը ստորին հոսանքում մինչև ծով է հոսել՝ Կուրին հիւսիսից գուգահեռ եւ հէնց ներկայ Կուրի հունով (իսկ Կուրն էլ հոսել է քիչ հարաւ ընկած Սարիսու ճահճալճերի հունով)<sup>2</sup>: Շատ կարեւոր է նաեւ Ստրաբոնի Սանդոբանէս գետանունան մեր ընկալումը՝ որպէս Սանի (ըստ Աշխարհացոյցի) եւ \*Լոբանէս (փխն. \*Դոբանէսի. յուն. Δ եւ Λ տառերը նման են) գետանունների վրիպեալ միախառնում, ընդ որում՝ Լոբանէսը համադրելով Պողոմէոսի Ալբանոսի հետ: Այժմ դժուար չէ տեսնել, որ հեղինակին՝ Կովկասից հոսող գետը Ալազանի ստորին հոսանքն է եւ իր Կուրմուխ վտակը (Կախիով անցնող), որն Ալազանի հետ ուղիղ՝ հիւսիս – հարաւ դիժ է կազմում: Տուրիան-Ալբանոսի եւ դրա միջեւ ընկած սեկտորի քաղաքներ էին. Օսիկան (*var.* Օսաիկա), որ բոլոր մասնագէտները համազրում են Շաքիի հետ; Երալան (*var.* Եմբոլալա), որ, իբօք, թերեւս՝ ներկայիս Ելախ աջափնեայ քաղաքի հինաւուրց ձախափնեայ

<sup>1</sup> Հնն. Մ. Թ. Папаева, К этнической истории «пахдагских народов», – Albania Caucasia, Вып. I, Отв. редакторы: А. К. Аликберов, М. С. Гаджиев, Москва, 2015, с. 151.

<sup>2</sup> Սակայն ծով թափուելու մասին պնդումը նաեւ կարող է գրիչների սի վրիպում համարուել: Դա է յուշում այն փաստը, որ Կասպից ծովը նկարագրելիս Պողոմէոսին լանգող Աշխարհացոյցը Կուրից հիւսիս յիշում է լոկ 3 գետ՝ Կէտա, Գեռասա եւ Սաւնա՝ առանց Ալբանոսի: Սա եթէ գրչական վրիպում չէ, ապա մէկն է այն օրինակներից, երբ մեր աղբիւրը թոյլ է տալիս սրբագրել յոյն աշխարհագէտի բնագիրը:

Թաղամասն է; Իուճան, որ, անշուշտ, ներկայիս Ջուճուտն է; Իոռուլան (վերականգնուած՝ Իոթուլայից. յուճ. P > B), որ ըստ ամենայնի՝ Ջողուն է; Մոսեգան, որ, թերեւս՝ Տուրիանի վերնահովտի Միչիխն է; Մասեխիան (var. Կասեխիա), որ Մամրուխն է կամ, գուցէ՝ իր բազիլիկայով յայտնի Կումը (լեզգերգգի պոէտ Նիզամիի ծննդավայրը); Սիոդան, որ, թերեւս՝ Հայկ. գրչօջախ Սեօիսլուն է (Նիժից քիչ հարաւ), կամ՝ Մինգեչաուրի ճարտփնեայ քաղաքամաս Առդագիլանը; Ադիաբլա-Ալիաբլան, որ, գուցէ՝ խեղուած Ալիբեյլին է; Արդիլա-Աբլանան, որ, գուցէ՝ խեղուած Աբդալին է: Երկրիցս յիշուած ծովափնեայ Գախտարս (var. Գաճարս) քաղաքն էլ պիտի փնտրել հետագայ Ջաւատի մօտ (ոչ հեռու՝ Ջաֆարիան անտիկ Հնավայրով), այլ ոչ թէ՛ ծովից շատ հեռու Մինգեչաուրում:

Ստրաբոնի արեւմուտքից արեւելք թուարկած Ադուանքի գետերի Համար (Ալազդահոս, Սաճորբանէս, Ռոյսակէս եւ Խանէս) նշելի է, որ չպէտք է դրանք անպայման կապել Պողոմէոսի գետերի հետ, այլ պիտի ընդունել, որ խօսքը տարբեր գետերի մասին է: Աշխարհացոյցն Ադուան-Ալազանից յետոյ թուարկում է Կովկասից իջնող Գեգաու, ապա Սաճի եւ Սեբոշ գետերը, որից յետոյ բնագիրը ցաւալիօրէն խաթարվում է 1604 թ. գրչի խիստ անփութութեան պատճառով, ով այդ հատուածում վրիպել է «ռեկորդային» 2-3 պարբերութիւն (մինչեւ Մեծ Հայքի նկարագրութեան սկզբները): Նրա Գեգաու գետի հետ, որ Ալազանի ամենարեւելեան Ազրիչայ վտակն է, կարող է զուգորդուել նոյն աղբիւրի Գրգաւ քաղաքանունը (Դասխուրանցու երկում՝ Գայեգոն ?!): Սաճին էլ Համագրելի է Կուրի Ալիջան վտակի հետ (նաեւ՝ Ալջիգան), իսկ Սեբոշը՝ Տուրիանի, որը, կրկնենք՝ Ստրաբոնի Լորանէսն է եւ Պողոմէոսի Ալբանոսը: Այդու՝ Կուրի Գեօքչայ-Կոկիսոն վտակի հետ Համագրելի է դառնում Ստրաբոնի Ռոյսակէսը (գուցէ՛ հմմ. Ռուշանաչէն Հայկ. գիւղը?), Գիրդիմանի, Ադսուի կամ Փիրսահաթի հետ էլ՝ Խանէսը (սրանից վերականգնուած Խալէս ձեւի հետ հմմ. Խալախա – Բաղաձորը):

Վերջապէս, Պողոմէոսի ամենարեւմտեան սեկտորում բաւական լաւ են տեղորոշուած. Դեզլանէն, որ վերականգնվելով Լեզլանէ (յուճ. Δ – Λ)՝ կապուած է Լեթիթի հետ (իր յայտնի զուարթնոցատիպ տաճարով); Սաճուան, որ վերականգնվելով Սալուա (յուճ. N – P եւս նման են)՝ հա-

<sup>1</sup> Տե՛ս Աճանուն (Է դար), Աշխարհացոյց, Գիտա-քննական բնագիր Ա. Յակոբեանի, – ՀԱ, ԺԻԷ տարի, Վիեննա-Եր., 2013, սճ. 35-194:

<sup>2</sup> Տեղին ճշեմք, որ ինչպէս պարզ է դառնում Աշխարհացոյցից Ղեւոնդ վարդապետի քաղաժողի շնորթի, ով Բուն Ադուանքի գաւառները թուարկում է հակառակ ուղղութեամբ, անհրաժեշտ է Գեգաու գաւառը տեղորոշել դէպի Կովկաս, իսկ Հողմազ գաւառը Կուրի մօտ՝ Կամրեճանից հարեան (Ն. Երեմեանը, Բ. Յարութիւնեանը եւ Ռ. Հիւրընը շտապողաբար արել են հակառակը):

մադրելի է Ճարի Հետ; Բակխիան (var. Բակրիա), որ կարող էր լինել Բիխ – Բէի գաւառի կենտրոնը, իսկ Տագոդան բոլորի համոզմամբ վերականգնելի է Լագոդա, որից եւ՝ արդէ Լագոդէիին: Այստեղ յիշուած Նիգան (var. Նէգա), գուցէ, կարող էր լինել հարեւան սեկտորի նշանաւոր Նիծը, իսկ այնտեղի Բարուկան, որ համազրուծ են ՎարդաշէԳի Հետ, մի հակադարձ շփոթով կարող էր լինել այս սեկտորի Բելուկանը:

**ԱՂՈՒԱՆ-ՔԸ (Ք.ա. III դ. վերջ - Ք.հ. III դ.)**

